

ILO-isumaqatigiissutitut: C155 (Suliffimmi isumannaallisaaneq peqqissuserlu pillugit isumaqatigiissut, 1981), C187 (Sullivinnik avatangiisinik isumannaassusermillu siuarsaaneq pillugu isumaqatigiissut, 2006), C094 (Sulinermut piumasaqaatit pillugit isumaqatigiissut (pisortaqaarfinni isumaqatigiissutit), 1949) og P029 (Pinngitsaaliilluni sulisitsineq pillugu isumaqatigiisummut protokoli 2014-imeersoq, 1930) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut
(Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq)

Saqqummiussinermut allakkiaq

Siullermeerneqarnera

Matumuuna Namminersorlutik Oqartussat ILO-mi isumaqatigiissutitut; C155, C187, C094, aamma P029-mit ilaaffeqalernissaanut siunnersuummik Naalakkersuisut saqqummiussipput.

Siunnersuummi ILO-mi isumaqatigiissutit pingasuni, aamma protokolimi ataatsimi Kalaallit Nunaata ilaalernissaanut isummernissaq pillugu Naalakkersuisut Beskæftigelsesministereqarfimmit (Suliffeqartitsinermut Ministereqarfimmit) 10. december 2024-mi saaffigineqarsimapput.

Isumaqatigiissutit C155-ip aamma C187-ip siunertaraat sullivimmi avatangiisinut peqqinnarlutillu isumannaatsumik ataatsimut isiginnilluni tikitaqartarneq aqutigalugu sulisartut atugarissaarnissaasa peqqissusaasalu qularnaarnissaat. Aallaavimmikkut suliffiusuni immikkoortunut tamanut sulisartunullu atuupput, ilaappullu sullivimmi avatangiisit timikkut tarnikkullu atugarisaasut. Kattullutik isumaqatigiissutit taakku marluk isumannaassusillit sullivinni atugarisanik siuarsaasunik, aammalu siuarsarnermik qularnaarisunik, kiisalu Kalaallit Nunaanni sullivimmi avatangiisinik pingaarnersiuisunik politikkinik, ingerlatassanik, pinaveersaarinnermillu kultureqassutsimik attassinissamut pisussaaffiliipput. Aallaaviatigut Sullivinnik Nakkutilliivik tassaavoq Kalaallit Nunaanni sullivinni avatangiisinik suliassaqaarfiup iluani isumaqatigiisummi pisussaaffiliissutit piviunngortitsinerup qularnaarnissaanut akisussaaffeqartoq, taamaattorli aalajangiiffigisassatut siunnersuummi erseqqinnerusumik nassuisarneqartutut aalajangersimasunik pinngitsuugassaqaartoqarpoq.

Isumaqatigiissutit C094-ip pisortani oqartussanik isumaqatigiissutaasuni sulinermit atugassarititat allanit, soorlu ataatsimoorussatut isumaqatigiissutitut, isumaqatigiisitsiniarnerni aalajangikkanit, imaluunniit nunami namminermi inatsisiliornermit ajornerunnginnissaasa qulakkeernissaat siunertarai. Tamakku isumaqatigiissutitut, suliqaarnerit pisortat aningaasaataannik ilanngussuiffigisaannut, kiisalu sulisartunik suliffissaqaartitsinernut atuupput, ilaappullu suliqaarnerit assigiinngitsutut iluserisaat, aamma pisortani isumaqatigiissutaasut iluini kiffartuussinerit.

1932-mili Kalaallit Nunaata ilaaffigisimasaanik pinngitsaalisamik sulisitaanerup pinerluttuliornertut inissinnissaa pillugu protokol P029 isumaqatigiisummik C029-mik

ilalersuisuuvog. Pinngitsaalisamik sulisitaasarnermik aamma traffickingimik (pinngitsaaliilluni inunnik nioqquteqarnermik) pinaveersaarisunik, kiisalu eqqugaasunik illersuisutut, tamakkuninngalu kingunerisanik ikiorsiisutut suliaqarnerit piviusunngortinnissaannut annertusisamik pisussaaffeqartitsineq protokollip nassataraa. Aammattaaq inuttassarsiuinermik ingerlattakkami innuttaasuni eqimattut eqqortiasut illersornissaannut pisussaaffigisamik protokolli sakkortusaavoq. Nunami namminermi inatsisaasunut toqqammavigisat iluanni pinngitsaalisamik sulisitaanermut atatillugit unioqqutitsilluni suliarisanut eqqugaasut eqqartuussivitsigut suliasaritinnissaannik pinngitsuuisitsinissamut oqartussaasunut piginnaasalinnut tamakkununga periarfissiisunik iliuserisanik saqqummiussaqaarnissaq protokolip pisussaaffiliivigaa. Tamakku saniatigut Kalaallit Nunaanni pinngitsaalisamik sulisitaanermut eqqugaasut qanorluunniit najugaqarneranni inissisimaffeqarneri apeqqutaatinnagit eqqartuussivinni atortuusunut naleqquttunut sunniuteqartunullu naligiissumik attaveqassapput.

Siunnersuummi ILO-mi isumaqatigiissutinik ilanngussaqaarnerit inatsisini atuuttuusuni allannguuteqaarnissanik tunngaveqartitsissanerat nalilersuutigineqanngillat. Politikikkut suliaqaarnissamut isumaqatigiissutit protokollillu tunngavissiissanerini suliarisat taama ittut sulisartut, sulisitsisut aamma naalagaaffiup akornanni illua'tungeriit pingasut suleqatigiinnissaat pillugit ILO-p tunngavigisaanik naapertuutsitsilluni suliarineqarumaarput.

Taamatut oqaaseqarlutik Inatsisartut akuersaartumik oqaluuserinninnissaannut siunnersuummik Naalakkersuisut tunniussaqaarput.